

Broj:03-02-1229/2019  
Sarajevo, 07.02.2020. godine

PARLAMENT FEDERACIJE  
BOSNE I HERCEGOVINE

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primljeno:			
Org. jed.	Broj	Priloga	Vrijednost
02	02-	1469	19

X  
10

- Dom naroda -  
gosp. Tomislav Martinović, predsjedavajući ✓  
gosp. Aljoša Čampara, potpredsjedavajući- predlagač Zakona ✓

**Predmet:** Nacrt zakona o izmjenama i dopunama zakona o osnovama socijalne zaštite, zaštite civilnih žrtava rata i zaštite porodice s djecom (predlagač: Aljoša Čampara, delegat u Domu naroda Parlamenta Federacije BiH)

Poštovani,

U prilogu Vam dostavljam Očitovanje Federalnog ministarstva zdravstva, broj:02-33-0433/20 od 20.01.2020. godine, koje se odnosi na tačku 6. Zaključka, broj 02-02-1469/19 od 19.12.2019. godine, kojeg je Dom naroda Parlamenta Federacije BiH usvojio na 4. sjednici, održanoj 19.12.2019. godine.


S poštovanjem.

SEKRETAR VLADE  
mr. sc. Edita Kalajdžić



Broj: 02-33-0433/20  
Sarajevo, 20.01.2020.godine

VLADA FEDERACIJE BIH  
n/p TAJNIKA VLADE  
mr.sc.Edita Kalajdžić



**PREDMET: Nacrt zakona o izmjenama i dopunama Zakona o osnovama socijalne zaštite, civilnih žrtava rata i zaštite porodica sa djecom (predlagač: Aljoša Čampara, izaslanik u Domu naroda Parlamenta Federacije BiH)**

Veza: Akt Tajnika Vlade Federacije BiH broj: 03-02-1229/2019. od  
06.01.2020.godine

Poštovana,

Vezano za Vaš akt broj i datum gornji, a kojim dostavljate Zaključak broj:02-02-1469/19.godine, koji je Dom naroda Parlamenta Federacije Bosne i Hercegovine usvojio na 4. sjednici, održanoj 19.12.2019.godine, a kojim pod točkom 6) se zadužuje Federalno ministarstvo zdravstva „da prije javne rasprave odredi koja zdravstvena stanja osoba sa invaliditetom su uvjet za ostvarivanje ovih prava“, ukazujemo na sljedeće:

Federalno ministarstvo zdravstva nije nikad zaprimilo tekst Prednacrt zakona o izmjenama i dopunama zakona o osnovama socijalne skrbi, zaštite civilnih žrtava rata i zaštite obitelji s djecom (u daljnjem tekstu: Nacrt zakona), predlagača Aljoše Čampare, te smo do teksta spomenutog Nacrta zakona došli putem elektronskih medija.

Uvidom u tekst Nacrta zakona, zaključujemo da se predviđenim izmjenama i dopunama uvodi „status roditelja njegovatelja ili status njegovatelja“, te da se pravo na ovaj status priznaje jednom od roditelja djeteta s poteškoćama u razvoju ili osobe s invaliditetom a koje ispunjavaju jedan od uvjeta propisanih Nacrtom zakona, i to da je

- potpuno ovisno o pomoći i njezi druge osobe jer mu je zbog održavanja života potrebno pružanje specifične njege izvođenjem medicinsko-tehničkih zahvata za koju je prema preporuci liječnika roditelj osposobljen,
- u potpunosti nepokretno i uz pomoć ortopedskih pomagala
- ima više vrsta teških oštećenja (tjelesnih, intelektualnih ili osjetilnih) zbog kojih je potpuno ovisno o pomoći i njezi druge osobe pri zadovoljavanju osnovnih životnih potreba.

Ovo ministarstvo je razmatralo spomenuti zaključak, kao i tekst Nacrta zakona, te u svezi s tim želimo ukazati na sljedeće.

Status roditelja njegovatelja djeteta s poteškoćama u razvoju ili osobe s invaliditetom, stječe se temeljem Zakona o osnovama socijalne skrbi, zaštite civilnih žrtava rata i zaštite obitelji s djecom, koji uređuje temelje socijalne zaštite građana i njihovih obitelji,

temeljna prava iz socijalne zaštite i korisnike prava iz socijalne zaštite, temelje zaštite obitelji sa djecom, financiranje i druga pitanja od značaja za ostvarivanje temeljnih prava iz socijalne zaštite, zaštite civilnih žrtava rata i zaštite obitelji sa djecom u Federaciji Bosne i Hercegovine.

Navedenim Zakonom je utvrđeno da se prava iz ovog zakona, a po osnovu invaliditeta ostvaruju temeljem nalaza i mišljenja Instituta za medicinsko vještačenje zdravstvenog stanja, a koji je osnovan temeljem Zakona o osnivanju Instituta za medicinsko vještačenje zdravstvenog stanja u Federaciji BiH.

Zakonom o osnivanju Instituta za medicinsko vještačenje zdravstvenog stanja u Federaciji BiH je utvrđeno da Institut obavlja poslove medicinskog vještačenja iz oblasti:

- penzijskog invalidskog osiguranja,
- socijalne zaštite, dječje i invalidske zaštite,
- zaštite civilnih žrtava rata,
- boračko-invalidske zaštite, obrane,

te da poslove medicinskog vještačenja Institut obavlja i za druge oblasti na zahtjev suda, drugih pravnih i fizičkih lica, kao i druge poslove medicinskog vještačenja u skladu sa zakonom.

Nadalje, u članku 7. naprijed citiranog Zakona je utvrđeno da se postupak medicinskog vještačenja, kriteriji medicinskog vještačenja, obrasci koji se izdaju u postupku medicinskog vještačenja i druga pitanja u svezi medicinskog vještačenja uređuju pravilima i općim aktom Instituta, a na koje suglasnost daje Vlada Federacije Bosne i Hercegovine na prijedlog Instituta.

Napominjemo da sukladno naprijed navedenoj odredbi, Institut izrađuje Pravilnik o jedinstvenim kriterijima i pravilima postupka medicinskog vještačenja zdravstvenog stanja i Listu invaliditeta, a na koje Vlada F BiH daje suglasnost.

Također, želimo ukazati da, a što je vidljivo i iz teksta Nacrta zakona, uvjeti za ostvarivanje statusa njegovatelja u suštini predstavljaju zdravstvena stanja, a u smislu funkcionalnosti, odnosno funkcionalne onesposobljenosti djeteta. Svakako, iz navedenog proizilazi da ovo podrazumijeva individualnu ocjenu stupnja funkcionalnosti, kako bi se izvršila ocjena zadovoljavanja uvjeta propisanih Nacrtom zakona.

Ističemo, a s ciljem realizacije zaključka za koji je zaduženo ovo ministarstvo, ono što preostaje, a kako razumijemo navedeni zaključak, jeste utvrđivanje dijagnoza osoba sa invaliditetom, a koja su uvjet za ostvarivanje ovih prava.

S tim u vezi ukazujemo da bi u tom slučaju osnova za to bila važeća MKB klasifikaciji dijagnoza bolesti i srodnih zdravstvenih problema. Međutim, naglašavamo da je ista ograničena na etiološki okvir, a ne govori o stupanju onesposobljenja, što je u suština kod ocjene uvjeta za dobivanje navedenog statusa. Pored toga, napominjemo da ista dijagnoza može imati, kako u početku bolesti, tako i u kasnijim fazama različitu simptomatologiju i funkcionalna oštećenja, ali isto tako, isti stupanj funkcionalnog oštećenja može etiološki biti različit. Ovo znači da bi ovakav pristup mogao dovesti u neravnotežan položaj osobe zbog kojih je potrebno utvrditi status njegovatelja. Također, u naprijed navedenoj klasifikaciji ne postoji još uvijek čitav niz rijetkih bolesti, a koje su uzrokom upravo zdravstvenih stanja koja zadovoljavaju kriterije pobrojane Nacrtom zakona.

Imajući u vidu sve naprijed navedeno, stava smo da ovo Ministarstvo, kao organ uprave, nije u mogućnosti realizirati navedeni zaključak (toč. 6.). Opreza radi, potrebno je imati u vidu nadležnosti Instituta za medicinsko vještačenje zdravstvenog stanja. U svezi s tim, neophodno je razmotriti mogućnost da Institut bliže utvrdi zdravstvena stanja osoba sa invaliditetom koja su uvjet za ostvarivanje ovih prava, a putem pravilnika kojim se utvrđuju jedinstveni kriteriji i pravila postupka medicinskog vještačenja zdravstvenog stanja. Važno je istaći da je Institut nadležan za navedene poslove, te da je i stručno kapacitiran.

S poštovanjem,



**MINISTAR**

**Doc. dr. Vjekoslav Mandić**

DOSTAVITI:

- Naslov
- e/e
- Evidencija